

Na osnovu tačke III Programa raspodjele namjenskih sredstava Ministarstva prostornog uređenja i zaštite okolice za 2017. godinu, a u vezi sa Odlukom o utvrđivanju uvjeta, kriterija i postupaka za raspodjelu namjenskih sredstava iz ekoloških naknada i Kantonalnim planom zaštite okoliša TK 2015 – 2020, Ministarstvo prostornog uređenja i zaštite okolice raspisuje:

JAVNI KONKURS

za sufinansiranje kapitalnih transfera općinama/gradu (Podrška projektima u skladu sa Kantonalnim planom zaštite okoliša TK 2015 – 2020)

1. Predmet javnog konkursa

Predmet javnog konkursa je prikupljanje prijava općina/grada za sufinansiranje mjera energijske efikasnosti u skladu sa Kantonalnim planom zaštite okoliša TK 2015 – 2020.

2. Korisnici sredstava koji imaju pravo na podnošenje prijave

Pravo učešća na javnom konkursu imaju općine/grad sa područja Tuzlanskog kantona koji realiziraju projekte provođenja mjera energijske efikasnosti na području svoje općine/grada.

3. Uvjeti kojima podnosioci prijave moraju udovoljavati

Projekti koji će se uzeti u razmatranje dostavljaju se na posebnom obrascu i treba da sadrže:

1. naziv projekta,
2. mjere energijske efikasnosti koje se predlažu za projekat,
3. ciljevi projekta (na koji način doprinosi rješavanju problema),
4. detaljni opis projekta (opisati po fazama i po mogućnosti opisati sve projektne aktivnosti i dinamiku realizacije), sa eventualnom potrebnom pratećom dokumentacijom (skice, planovi, crteži, fotografije, CD prezentacije i slično),
5. specifikaciju troškova sa visinom sredstava koje se potražuju od Ministarstva (navesti detaljnu specifikaciju),
6. rok realizacije projekta,
7. sufinansiranje projekta (navesti u procentima ukoliko ima sufinansiranja) sa dokazom – odluka nadležnog općinskog/gradskog organa),
8. usklađenost projekta sa Kantonalnim planom zaštite okoliša TK 2015 – 2020,
9. efekat realiziranja projekta za okoliš i stanovništvo i
10. podatke o kontakt osobi vezano za realizaciju projekta (ime i prezime, kontakt adresa, telefon i e-mail).

Neće se uzeti u razmatranje prijave općina/grada koji ne dostave dokumentaciju za dokazivanje ispunjavanja uvjeta iz člana 4. Javnog konkursa i koji ne razrade projekat kako je definirano članom 3. Javnog konkursa.

4. Popis dokumenata koje je potrebno priložiti uz prijavu

Podnosioci prijave dužni su dostaviti slijedeću dokumentaciju kojom dokazuju ispunjavanje uvjeta:

1. Uvjerenje o poreskoj registraciji (ID broj),
2. Uvjerenje o izmirenim poreskim obavezama nadležnih organa – Poreske uprave i Uprave za indirektno oporezivanje zaključno sa 31.12.2016. godine,
3. Uvjerenje o izmirenim obavezama prema PIO/MIO i zdravstvenom osiguranju zaključno sa 31.12.2016. godine,
4. Projekat (obrazac ovjeren i potpisan od strane podnosioca) i
5. Odluka o sufinansiranju od nadležnog općinskog/gradskog organa.

Dokumenti navedeni pod 2. i 3. ne mogu biti stariji od tri mjeseca. Ostali dokumenti se prilažu u originalu ili ovjerenj kopiji.

5. Osnovni kriteriji odabira

Osnovni kriteriji odabira za općine/grad su:

- rok realizacije projekta (do 20 bodova),
- sufinansiranje projekta (do 20 bodova),
- usklađenost projekta sa Kantonalnim planom zaštite okoliša TK 2015 - 2020 (do 30 bodova),
- efekti realiziranja projekta za okoliš i stanovništvo (do 30 bodova).

6. Vrednovanje projekta

Prijedlog raspodjele sredstava daje komisija imenovana od strane ministra. Maksimalan iznos koji se po javnom konkursu općinama i gradu može odobriti za projekat je 25.000,00 KM.

7. Opće odredbe

Općine/grad imaju pravo na Javni konkurs prijaviti jedan projekat iz oblasti provedbe energetske programe.

Prijave se predaju na adresu:

Tuzlanski kanton

Ministarstvo prostornog uređenja i zaštite okolice

Pisarnica Vlade TK (Rudarska br. 57, Tuzla),

**(sa naznakom: „ZA JAVNI KONKURS ZA DODJELU SREDSTAVA – KAPITALNI TRANSFERI
OPĆINAMA/GRADU – PODRŠKA PROJEKTIMA U SKLADU SA KANTONALNIM PLANOM
ZAŠTITE OKOLIŠA TK 2015 – 2020 – NE OTVARATI“)**

Rok za podnošenje prijave je 7 dana od dana objavljivanja Javnog konkursa. Javni konkurs za sufinansiranje kapitalnih transfera općinama/gradu zajedno sa propisanim obrascem iz tačke 3. Javnog konkursa će biti objavljen i na zvaničnoj web stranici Vlade Tuzlanskog kantona www.vladatk.kim.ba.

Neblagovremene i nepotpune prijave neće se uzeti u razmatranje.